



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GS
42
25







SPEUSIPPI

DE PRIMIS

RERUM PRINCIPIIS

PLACITA.

Ravaisson-Mollien, Félix

SPEUSIPPI
DE PRIMIS
RERUM PRINCIPIIS

PLACITA

QUALIA FUISSE VIDEANTUR

EX ARISTOTELE.

Μακρυτεύον.
PLATO, Phileb.

DISSERTATIO ACADEMICA.

PARISIIS,
EXCUDERANT FIRMIN DIDOT FRATRES,
INSTITUTI REGII FRANCIE TYPOGRAPHI,
VIA JACOB, 56.
M-DCCCXXXVIII.

Gs 42.25

Harvard College Library
Bowie Collection
Gift of
Mrs. E. D. Brandegee
Nov. 9, 1908

SPEUSIPPI

DE PRIMIS

RERUM PRINCIPIIS

PLACITA

QUALIA FUISSE VIDEANTUR

EX ARISTOTELE.

I.

1. Nihil fere in historia philosophiæ obscurius, quam quid de primis rerum principiis Speusippus senserit. Non solum ejus scripta, πλεῖστα, ut ait Suidas, καὶ μάλιστα φιλόσοφα, interiere omnia, præter quoddam, dummodo supposititium non sit, ex libro quem Περὶ πυθαγορικῶν ἀριθμῶν inscripserat, fragmentum, plures enim philosophi fuere, quorum libros, quoscumque reliquerant, desideramus, doctrinas tamen satis perspectas habemus; sed de Speusippi placitis præcipuis pauca admodum veterum testimonia supersunt, et quidem pleraque brevia, obscura, parum cohærentia, quædam inter se repugnantia.

Si Ciceronem audiamus, parum ab Aristotele non solum Speusippus, sed etiam vetus omnis Academia dissensit. Sed ethica tantummodo decreta Cicero in animo habuisse videtur. Quippe *Academ. quæstt.* I, 4 : « Nihil enim inter peripateticos et illam veterem academiam differebat; abundantia quadam ingenii præstabat, ut mihi videtur quidem, Aristoteles (1); sed idem fons erat utrisque, et eadem rerum expetendarum fugiendarumque partitio. »

De rerum summa Speusippum Laertius, IV, 4, in *Speusippo*, a Platonis dogmatibus non discessisse affirmat : *ἔμεινε μὲν γὰρ ἐπὶ τῶν αὐτῶν Πλάτωνι δογμάτων*. Contra Numenius, et Numenio auctore Eusebius (2), tum Xenocratem, tum Speusippum magistri doctrinas non uno modo turbasse et extraneis opinionibus miscuisse queruntur.

Speusippi de primis principiis non nisi tribus locis Aristoteles mentionem facit; quorum duo, ut infra ostendemus, inter se conciliari non adeo facile possunt.

Aristotelis interpretes Speusippi, Xenocratis, Platonis, Pythagoreorum decreta tantopere mi-

(1) *De Orat.*, III, 18. : « Speusippus, Platonis sororis filius, et Xenocrates, qui Platonem audierat, et qui Xenocratem Polemo et Crantor, nihil ab Aristotele, qui una audierat Platonem, magnopere dissensit; copia fortasse et varietate dicendi pares non fuerunt. » Cf. *de Fin.*, V, 3.

(2) *Præpar. evangel.*, XIV, 5.

scent, ut tenebras discutiant minus quam offundant.

Præterea quod ad Speusippi de Deo, mente, et anima, placita attinet, paucissima et perobscura apud auctores dubiæ fidei Jamblichum et Minucium Felicem; suspecta quædam temerarii cujusdam apud Ciceronem, *de Nat. deor.*, I, 13, Epicurei verba. Nec quidquam alias.

2. Cum autem Speusippus et Platonem exceperit et Aristotelis æqualis fuerit, fortasse æmulus, Speusippæ, quæ Platoniam illam inter et Aristotelicam scholam intercedit, doctrinæ notitia non facile carere posse videtur historia philosophiæ veteris. Ad hoc, in antiquitate non ignobile Speusippi nomen; ut Ciceronem omittam, Aristoteles in *Metaphysicis*, ubi Xenocratem ne semel quidem nominatim laudare dignatus videtur, bis Speusippi de rebus gravissimis sententiam attulit et perpendit. Tantum abest ut, quod credidit doctissimus H. Ritter, *Hist. philos.* t. II, ejus philosophiam nihili habuerit.

Itaque operæ pretium non abfuturum esse mihi visum est, si quis Speusippi de primis rerum principiis placita nunc oblivione demersa, in meliori tandem luce collocaverit.

3. Cum autem, in *Metaphysicis* qui dicuntur libris, Aristoteles non solum Platonis, sed etiam Platoniorum de rerum principiis sententias exagitando persequatur, verisimillimum est multa ibi tum ad Xenocratem, tum ad Speusippum, etiamsi non

nominentur, spectare. Quoniam vero hunc Aristoteles ter de primis principiis laudat, bis scilicet in *Metaphysicis*, in *Ethicis Nicomacheis* semel, vix dubitandum videtur, quin plura in *Metaphysicis*, cum tribus locis istis conferendo, ad Speusippum referenda esse inveniamus et demonstremus. Quod si successerit, aliquid non ad Speusippi tantum sed et ad Platoniorum generatim Platonisque ipsius dogmatum notitiam contulerimus, aliquid ad obscuriorum obscurissimi et gravissimi simul Aristotelis libri partium interpretationem. Præterea quid valeat ad philosophiæ præsertim historiam conjuncta cum interpretatione conjectatio, in uno exemplo aliquatenus experiemur.

II.

1. Plato ita de primis rerum principiis sentiebat : præter res singulares sensibus subjectas, esse rerum species, quas *ideas* vocabat; quarum participatione et nomen et *esse* suum res habere (1). Quare ideas rerum singularium principia et causas esse. Idearum principium, et quasi εἶδος εἶδων esse Boni ideam, sive Bonum per se; itaque Bonum omnium esse causam et fontem (2).

(1) Plat. *Phæd.*, pp. 102 b, 103 b; *Phædr.*, pp. 341 b, 346 c, 358 a; *Theæt.*, p. 132, e. Aristot. *Metaph.* I, p. 20, l. 18, Brand.

(2) Plat., *de Rep.*, VI, 505; VII, 517, 532. Aristot., *Met.*, XII, p. 257, l. 1.

Citra ideas nihil nisi fluxam et indefinitam multitudinem; ideam, unum quid, cujus vi res singulares velut in unum componi. Igitur, cum ideæ ipsæ multæ sint, et suæ sint ideis ideæ, esse ideis principia sua : unum et indefinitum, sive infinitum malueris. Scilicet Infinitum materiæ partes agere, Unum formæ. Bonum ergo unum 'per se esse, αὐτὸ τὸ ἐν: infinitum autem non unum quid per se, sed magnum et parvum inter se indefinita, seu δυνάμει τοῦ μεγάλου καὶ μικροῦ. Unde, prima rerum principia Unum et magni parvique dyada esse (1).

2. Mox, cum numerorum principia eadem sint, ideas esse numeros (2). Non autem numerum quemvis esse statim ideam. Numerorum tria genera : unum εἰδητικὸν, ideale; cujus generis numerus singulare quid, καθ' ἑκάστων, per se sit, neque dividi, aut componi possit; eam enim esse ideæ naturam. Alterum genus, mathematicum, in quo divisio et compositio et numeri ejusdem sine fine repetitio. Tertium sensibus subjectum, e rebus ipsis conflatum, generationi et corruptioni obnoxium (3). Præterea, ut numerorum ita μεγέθων, id est, lineæ, superficiei, solidi, tria genera eodem modo esse. Quare tribus omnino veluti regionibus comprehendi quæcumque sunt; qua-

(1) *Met.*, I, p. 20, l. 28; p. 21, l. 29.

(2) *Ibid.* p. 21, l. 2; XII, p. 250, l. 16.

(3) *Ibid.* I, p. 20, l. 23 sqq.; XIII, cc. 6, 7, 13.

rum summam, ubi numeri ideales, mens tenet; imam, ubi numeri sensiles, sensus; mediam, quam discursivam dicimus ratio (1); ubi mathematica, quæ ideo τὰ μεταξὺ Plato vocabat (2). Quod ad animum attinet, esse eum ideam unde motus initium Plato credidisse videtur.

Ea est fere Platonica de primis rerum principiis philosophiæ adumbratio.

3. Quamquam non statim ab initio numeri in ideas illati, sed paulatim delapsæ ad numeros ideæ; nec nisi sensim ac gradatim ad Pythagoram Plato deflexit. Itaque in dialogis rara, manifesta licet, numerorum doctrinæ vestigia; quædam in Philebo, quædam in Timæo, plura in libris de Republica (3), inter ultimos quos Plato scripserit certissime cum Timæo annumerandis; in quibus plurima et maxime perspicua, imo splendidissima de Bono, idearum principio et fonte.

Numerorum doctrinam ἀγράφοις δόγματα, de quibus Aristoteles, *Phys.* IV, 2, sepositam fuisse satis constat. Quæ quidem ἀγράφα Speusippus, Xenocrates, Hestæus, Aristoteles litteris expresse-
runt. Primas autem ibi quoque partes obtinebat idea boni (unde Aristoteles quos de ἀγράφοις magistri δόγματα commentarios edidit, Περὶ ἀγαθοῦ

(1) Plat., *de Rep.*, VII, p. 527 sqq.

(2) *Met.* I, p. 31, l. 24; III, p. 46, ll. 12, 24.

(3) VII, p. 527-530. Cf. *Philcb.*, p. 56 d.

inscripsit)(1); ita autem ut in eo præsertim Boni essentia poneretur, quod idem Unum per se, αὐτὸ τὸ ἐν, esset, ac numerorum origo et finis (2).

4. Post Platonem, platonice scholam numerorum doctrina, hactenus disciplinæ remotioris umbraculis plerumque contenta, totam invasit. Itaque, ait Aristoteles, *Metaphys.* l. I, c. 8, p. 33, l. 4 Brand. : γέγονε τὰ μαθήματα τοῖς νῦν ἡ φιλοσοφία.

His præmissis, ad Speusippum accedimus.

III.

1. Locorum Aristotelis de Speusippo classicorum primum hunc ponam : *Met.* XII, 7, p. 249, l. 20 : Ὅσοι δὲ ὑπολαμβάνουσιν, ὥσπερ οἱ Πυθαγόρειοι καὶ Σπείσιππος, τὸ κάλλιστον καὶ ἄριστον μὴ ἐν ἀρχῇ εἶναι, διὰ τὸ καὶ τῶν φυτῶν καὶ τῶν ζώων τὰς ἀρχὰς αἴτια μὲν εἶναι, τὸ δὲ καλὸν καὶ τέλειον ἐν τοῖς ἐκ τούτων, οὐκ ὀρθῶς οἶονται.

Scilicet Pythagoricis non, ut Platoni, placuerat primum omnium principium Bonum ipsum, Bonum per se esse; sed contra, in Uno, numerorum fonte et omnium principio, impar et par, finitum et infinitum, bonum denique et malum, quasi in

(1) Vide, si placet, quæ de libris Aristotelis περὶ ἀγαθοῦ et περὶ φιλοσοφίας disseruimus, *Essai sur la Métaph. d'Arist.*, (Paris, 1837, 8°), P. I, l. II, c. 2.

(2) *Met.* XIV, p. 301, l. 16. *Eth. Eud.* I, 5. Cf. Aristox. *Harmon.* II, 30.

unum idemque conflata conjungi; contraria non nisi in rerum natura prodire. De Speusippo, utrum contraria e primo rerum principio prorsus excluserit, an, in eo quoque Pythagoricos secutus, conjunxerit, nihil Aristoteles. Verisimillimum tamen, idem Speusippo ac Pythagoricis placuisse. Quippe ut hi, sic ille, a plantis et animalibus exemplum sumebat, quibus semina, unde initium habent, pulchri bonique causæ sunt.

Eodem pertinet *Met.* XIV, 5, p. 302, l. 27: Οὐκ ὁρθῶς δ' ὑπολαμβάνει οὐδ' εἴ τις παρεικάζει τὰς τοῦ ὄλου ἀρχὰς τῇ τῶν ζώων καὶ φυτῶν, ὅτι ἐξ ἀοριστῶν ἀτελῶν δὲ [leg. τε] αἰεὶ τὰ τελειότερα, διὸ καὶ ἐπὶ τῶν πρώτων οὕτως ἔχειν φασίν.

Imo, ex tertio quem huc afferemus loco, eodem evidenter spectante, a Speusippo potius quam a Pythagoricis istam primi omnium principii cum animantium initiis comparisonem institutam esse satis probabile est *Met.* XIV, 4, p. 300, l. 25: Ἔχει δ' ἀπορίαν καὶ εὐπορήσαντι ἐπιτίμησιν, πῶς ἔχει πρὸς τὸ ἀγαθὸν καὶ τὸ καλὸν τὰ στοιχεῖα καὶ αἱ ἀρχαί, ἀπορίαν μὲν ταύτην πότερόν ἐστὶ τι ἐκείνων οἷον βουλόμεθα λέγειν αὐτὸ τὸ ἀγαθὸν καὶ τὸ ἄριστον, ἢ οὐ, ἀλλ' ὕστερογενῇ. Παρὰ μὲν γὰρ τῶν θεολόγων ἔοικεν ὁμολογεῖσθαι τῶν νῦν τισίν, οἱ οὐ φασιν, ἀλλὰ προελθούσης τῆς τῶν ὄντων φύσεως καὶ τὸ ἀγαθὸν καὶ τὸ καλὸν ἐμφαίνεσθαι. Per theologos istos significari τοὺς περὶ Σπεύσιππον, ex iis quæ modo attulimus patet. Quin ipsa Speusippi verba hic latere facile crediderim:

ista enim : ἀλλὰ προελθούσης κ. τ. λ. ab Aristotelico scribendi more , præcipue in Metaphysicis, satis aliena, et platoniam quamdam ἔμφασιν spirantia. Saltem, cum et in pythagoreorum superstitionibus fragmentis, et in plurimis quæ de pythagorica philosophia habemus testimoniis, nihil quidquam de rerum naturæ processu appareat, fuisse id Speusippi proprium dogma credibile est. Nec fortasse absurdum, si quis prima hic tam celebratæ a Neoplasticis προόδου initia deprehendere sibi videatur.

Itaque hoc primum Speusippo cum Platone convenit quod de primo rerum principio, id est, de Deo philosophatus est; unde Aristoteli theologus dicitur. In eo autem a magistro dissensit, quod Deum ipsum per se bonum esse negavit.

Quare pergit Aristoteles theologos istos, æquales suos, cum theologis illis veteribus conferendo, qui, cum Jovi principatum et excellentiam tribuerent, ante Jovem rerum initia posuerant, Noctem, Cælum, Chaos, Oceanum. Veteribus autem theologis quia, ut poetis, theologumena sua ad vulgares fabulas accommodare necesse erat, fabulæ autem mutatum non semel mundi principatum canebant, deosque ab aliis aliis regno depulsos, debuisse eos prima quædam rerum principia, citra mutationem posita excogitare, ut principatus ita dignitatis et majestatis divinæ expertia. Qui autem primum a fabulis decesserunt, quales Magi aut Pherecydes, primæ statim

genitrici rerum causæ principatus excellentiam tribuisse; nec aliter, inter eos qui postea sapientes et fuere et habiti sunt, Empedoclem Anaxagoramque; quorum ille amicitiaë, hic menti tribuit principii partes. Omnes contra quam Speusippus fecit, fecisse. Hoc est enim quod sibi vult præclarus locus quem integrum describemus; libro et capite laudd., p. 301, l. 5: Οἱ δὲ ποιηταὶ οἱ ἀρχαῖοι ταύτῃ ὁμοίως, ἢ βασιλεύειν καὶ ἄρχειν φασὶν οὐ τοὺς πρώτους, οἷον Νύκτα καὶ Οὐρανὸν ἢ Χάος ἢ Ωκεανόν, ἀλλὰ τὸν Δία. Οὐ μὴν ἀλλὰ τούτοις μὲν διὰ τὸ μεταβάλλειν τοὺς ἄρχοντας τῶν ὄντων συμβαίνει τοιαῦτα λέγειν, ἐπεὶ οἱ γε μεμιγμένοι αὐτῶν καὶ [delendum καὶ?] τῷ μὴ μυθικῶς, ἅπαντα λέγειν, οἷον Φερεκύδης καὶ ἑτεροί τινες, τὸ γεννῆσαν πρῶτον ἄριστον τιθέασιν, καὶ οἱ Μάγοι, καὶ τῶν ὑστέρων δὲ σοφῶν οἷον Ἐμπεδοκλῆς τε καὶ Ἀναξαγόρας, ὁ μὲν τὴν φιλίαν στοιχεῖον, ὁ δὲ τὸν νοῦν ἀρχὴν ποιήσας.

Verum bonitatem summam pulchritudinemque veteres poetæ in Jove posuerant; Speusippus, in mundanis, progrediente ac veluti explicante se rerum natura, manifestari docebat. Quam quidem sententiam, ut obiter dicam, hisce recentissimis temporibus prorsus renovari vidimus. Itaque ad Speusippum, si quid video, respicit, *Met.* XI, 10, init., Aristoteles: utrum summum bonum, τὸ ἄριστον, universi natura extra se ut unum quid per se ac separatum habeat, an in ordine suo, interrogans. Imo, subjicit,

utroque modo. Habet enim exercitus in ordine suo bonum, sed etiam ac multo magis in duce, per quem ordo est, non autem per ordinem dux : Ἐπισκεπτέον δὲ καὶ ποτέρως ἔχει ἢ τοῦ ὄλου φύσις τὸ ἀγαθὸν καὶ τὸ ἄριστον, πότερον κεχωρισμένον τι καὶ αὐτὸ καθ' αὐτὸ, ἢ τὴν τάξιν, ἢ ἀμφοτέρως ὥστερ στρατεῦμα. Καὶ γὰρ ἐν τῇ τάξει τὸ εὖ καὶ ὁ στρατήγηος, καὶ μᾶλλον οὗτος· οὐ γὰρ οὗτος διὰ τὴν τάξιν, ἀλλ' ἐκείνη διὰ τοῦτόν ἐστιν. Unde in principio mundi *supramundano* summum mundi ipsius bonum; quod Speusippus non senserat.

Cæterum, eo quem ante descripsimus libri quartidecimi loco, Speusippum Aristoteles cum theologis illis physicisque ponit, quibus ea quæ sunt e nihilo prodiisse placuerat. Non enim aliud esse si res ex Nocte et Chao, quam si ex nihilo educantur, *Met.* XII, 7, p. 247, l. 26 : ... ἐκ νυκτὸς ... καὶ ὁμοῦ πάντων καὶ ἐκ μὴ ὄντος.

2. Quia autem e nihilo quod nullo modo est, nihil omnino actu fit, nisi poterat esse, idem est e nihilo, e Chao, e Nocte, e semine informi educere res, ac potentiam ante actum fuisse significare. Ergo et Speusippum Aristoteles, etiam cum nomen more suo omittit, iis annumerat quos θεολόγους τοὺς ἐκ νυκτὸς γεννῶντας vocat, quosque ob antepositam actui potentiam pluribus locis exagitat; inprimis autem *Met.* XII, 6, p. 246, l. 20-30; p. 247, l. 13.

Imo, quum neminem alium cum Speusippo in

hac sententia consociari videamus præter priscos illos et horridos poetas physiologosque, recentiorum, accuratius philosophatorum, nullum, credibile est Speusippum quid sibi vellet omnium optime et scivisse et aptis verbis declaravisse. Quæcumque Aristoteles de actu, quod potentiam antecedit, contra theologos aliter sentientes disputat, maxime ad Speusippum spectare credibile est. Quin etiam quæ *Met.* l. IX, c. 8, p. 185-189, de ea re in universum, et neminis mentione facta, disserit, non sine aliquo ad coætaneam æmulamque philosophiam respectu tam acriter disputari opinor.

Cui conjecturæ facit fidem quod quum, in duodecimo libro, quatuor omnino locis de potentia, quod ante actum sit, disputet, ita quatuor omnibus locis id facit, ut, post impugnatas Platonis ideas quasi iis principium motus non insit, subjungat nec aliam quamlibet causam sufficere, nisi eadem actu sit. Sic c. 6, p. 246, l. 12 : Οὐ τοίνυν οὐδ' αὕτη ἰκανὴ οὐδ' ἄλλη οὐσία παρὰ τὰ εἶδη· εἰ γὰρ μὴ ἐνεργήσῃ, οὐκ ἔσται κίνησις κ. τ. λ. Sic paulo infra, l. 18 sqq. Sic p. 247, l. 8; sic denique capite ultimo ejusdem libri, p. 258, l. 4-10. Nonne ergo videtur, explosa Platonis sententia, ad Platonis διάδοχον Speusippum venire?

Denique, ubicumque fere potentiam actu priorem esse contendit, hoc exemplo, quod in scholis postea vulgare fuit, utitur Aristoteles : non e semine hominem, sed verius ex homine oriri, quippe

ex homine semen; ἄνθρωπος ἄνθρωπον γεννᾷ. Eadem vero formula in isto supra citato loco reperitur, quem ad Speusippum pertinere demonstravimus, *Met.* XIV, 5, p. 303, l. 1 : Ἄνθρωπος γὰρ ἄνθρωπον γεννᾷ, καὶ οὐκ ἔστι τὸ σπέρμα πρῶτον. Eadem in altero illo quo Speusippus non significatur tantum, sed nominatim laudatur, *Met.* XII, 7, p. 249, l. 25 : Τὸ πρῶτον οὐ σπέρμα ἐστίν, ἀλλὰ τὸ τέλειον, οἷον πρότερον ἄνθρωπον ἂν φαίη τις εἶναι τοῦ σπέρματος, οὐ τὸν ἐκ τούτου γενόμενον, ἀλλ' ἕτερον ἐξ οὗ τὸ σπέρμα. Quippe ipse erat Speusippus, qui ab animantium semine ad primum omnium principium exemplum ducebat.

3. Primum rerum principium Speusippo fuisse τὸ ἓν, Unum, patet ex iis, quæ in libri *Met.* XIV, cap. 5, loco jam bis laudato leguntur, p. 302, l. 29 : Ὅτι ἐξ ἀορίστων ἀτελῶν τε ἀεὶ τὰ τελειότερα, διὸ καὶ ἐπὶ τῶν πρῶτων οὕτως ἔχειν φασίν, ὥστε μηδὲ ὄν τι εἶναι τὸ ἓν αὐτό. Inde duo hæc sequuntur : primo idem Speusippo ac Pythagoricis Platonique principium omnium fuisse, Unum; deinde quemadmodum Plato dicebat Bonum, quod quidem nihil aliud nisi Unum ipsum esset, supra essentiam esse, ἐπέκεινα τῆς οὐσίας, sic Speusippum Unum suum, quum omnia potentia esset, nihil autem actu, ne esse quidem contendisse.

Nunc, in iis quæ alterum ex eodem libro locum supra citatum subsequuntur, legimus, p. 300, l. 32 : Τοῦτο δὲ ποιοῦσιν [sc. τῶν θεολόγων τῶν νῦν τινές]

εὐλαβούμενοι ἀληθινὴν δυσχέρειαν ἢ συμβαίνει τοῖς λέγουσιν, ὥσπερ ἔνιοι, τὸ ἐν ἀρχῇ. Ἔστι δ' ἡ δυσχέρεια οὐ διὰ τὸ τῇ ἀρχῇ τὸ εὖ ἀποδιδόναι ὡς ὑπάρχον, ἀλλὰ διὰ τὸ τὸ ἐν ἀρχῇ ὡς στοιχεῖον καὶ τὸν ἀριθμὸν ἐκ τοῦ ἐνός. Theologi illi sunt, ut vidimus, οἱ περὶ Σπεύσιππον; istos ἐνίους esse τοὺς περὶ Πλάτωνα, quos illi excepere, manifestum est. Plato Unum Bonumque idem esse censebat: Speusippus Bonum ab Uno detraxit. Igitur legendum esse crediderim, ut Philoponus ad h. l. legisse videtur: τοῖς λέγ., ὥσπ. ἐν., τὸ ἐν ἀγαθόν. Nisi forte ita intelligas: « iis qui eo modo quo quidam (scilicet Plato) Unum principium esse accipiebant, » id est, quatenus bonum, ὡς ἀγαθὸν ὄν.

IV.

1. Ecce autem alter de Speusippo classicus locus, quo Unum ab eo in bonis collocatum fuisse declarat Aristoteles. Scilicet *Ethic. Nichomach.* l. I, c. 4, postquam platonice Boni ideam impugnavit, subjicit: Πιθανώτερον δ' εἰκάσιν οἱ Πυθαγόρειοι λέγειν περὶ αὐτοῦ, τιθέντες ἐν τῇ τῶν ἀγαθῶν συστοιχίᾳ τὸ ἐν οἷς δὴ καὶ Σπεύσιππος ἐπακολουθήσαι δοκεῖ. Quo autem pacto, si Pythagoricum illud et Speusippæum Unum a bono alienum est, teste Aristotele in *Metaphysicis*, nunc in bonorum ordine, eodem Aristotele teste, collocabatur? Paucis rem expediemus.

Nimirum Pythagorici contraria in duos ordines partiti erant; hinc finitum, impar, dextrum, lucem, bonum, etc. inde infinitum, par, sinistrum, tenebras, malum etc. (1). In utroque autem ordine ab unoquoque contrariorum cætera ordinis ejusdem aut contineri aut certe significari ac repræsentari voluerant; ita ut ordo ille boni omnino ordo, hic autem mali ordo vocari posset. In hoc autem multitudinem, in illo multitudinis contrarium, unum nempe, comprehendi statuerant. Ergo Unum, quamvis per se boni expers, tamen, quatenus multitudini contrarium est, in ordine boni, ἐν τῇ συστοιχίᾳ τῶν ἀγαθῶν, collocaverant.

Quin etiam, si bonum, quo longius progreditur rerum natura, eo magis, ut vidimus, manifestum fit, idem de uno fieri convenit; ita ut quantum ab Uno, primo rerum principio, discedatur, tantum etiam contraria multitudinis pravitati unius bonitas emineat. Sic Pythagorici, sic fere Speusippus sensit.

Itaque Speusippi de Uno sententiam, ut ita dicam, *metaphysicam* in Metaphysicorum locis antea laudatis habemus: nempe, quæ per se sit unius natura; in Ethicis, sententiam ethicam physicamque: quid scilicet unum sit, quatenus πρὸς τι, ad aliquid, et in rerum natura cum multitudine implicitum.

(1) *Met.* I, p. 16, l. 30.

2. Quod autem alicui per se inest, necessarium; quod non per se, non necessarium. Igitur Aristoteles *Met.* XIV, 4, p. 302, l. 8, postquam Platonem, qui Bonum esse Unum per se, Malum autem contrarium Uni per se principium, nempe dyada magni et parvi statuerat, in absurda plura incidere demonstravit; propterea quemdam existisse ait, qui bonum Uni necessarium esse negaret; ab eodem, cum Plato dyada magni et parvi, sive inæquale, ipsam mali naturam esse docuisset, contra, multitudinis naturam in malo positam esse; fieri enim e contrariis generationem: Διόπερ ὁ μὲν ἔφευγε τὸ ἀγαθὸν προσάπτειν τῷ ἐνὶ ὧς ἀναγκαῖον ὄν, ἐπεὶ δ' ἐξ ἐναντίων ἡ γένεσις, τὸ κακὸν τὴν τοῦ πλήθους φύσιν εἶναι. Οἱ δὲ λέγουσι τὸ ἄνισον τὴν τοῦ κακοῦ φύσιν. Quisnam enim iste: ὁ μὲν, nisi Speusippus noster?

Scilicet hic ille est qui bonum non necessario Uni inesse arbitrari debuit: nempe Uni non quatenus ex se et per se est, sed quatenus tantum ad aliquid aliud, competere. Insuper, si contrarium Uni elementum, sive multitudo, sive inæquale et dyas magni et parvi, ipsa mali natura sit (p. 302. l. 6: Καὶ τὸ ἐναντίον στοιχεῖον, εἴτε πᾶθος ὄν εἴτε τὸ ἄνισον καὶ μεγὰ καὶ μικρὸν, τὸ κακὸν αὐτὸ), quæ platonica sententia erat, fore ut quo propius a primo principio res absint, eo plus habeant mali (l. 12: Συμβαίνει δὲ.. μᾶλλον ἀκράτου μετέχειν τοὺς ἀριθμοὺς ἢ τὰ μεγέθη); contra, si malum multitudini

uis natura sit, non autem multitudo mali, fore ut nonnisi progrediente per rerum naturam multitudine, malum magis magisque emineat, licet a bono magis magisque superatum. Et eam fuisse Speusippi sententiam scimus. Quibuscum mire conveniunt hæc Aristotelis *Met.* XII, 10, p. 256, l. 29: quosdam fuisse qui, cum Plato malum ipsum e principiis unum fecisset, a principiis tum bonum tum malum amoverent: τὸ γὰρ κακὸν αὐτὸ (secundum Platonem) θάτερον τῶν στοιχείων. Οἱ δ' ἄλλοι οὐδ' ἀρχὰς τὸ ἀγαθὸν καὶ τὸ κακόν.

Denique quod Speusippi proprium dogma fuisse novimus de rerum naturæ προόδῳ quadam, in his etiam, eo quem tractamus libri quartidécimi loco, deprehendere est: ἐπεὶ δ' ἐξ ἐναντίων ἡ γένεσις, τὸ κακὸν τὴν τοῦ πλήθους φύσιν εἶναι. Quippe non nisi in rerum generatione contraria, proinde multitudinem, in multitudine autem máli naturam prode censuit.

V.

1. Mentem Uni a Speusippo ablegatam fuisse confici potest e loco jam supra laudato, *Met.* XIV, 4, p. 381, l. 15; ibi enim cum eo non facere significatur Anaxagoras, Menti principii partes tribuens. Quod quidem, nec minus ea quæ ante a nobis dicta sunt, confirmat Stobæus, *Eclog.*

phys. I, 1 : Σπεύσιππος τὸν νοῦν οὔτε ἐνὶ οὔτε τῷ ἀγαθῷ ταῦτ' ἐστίν, ἰδιοφυῆ δέ.

Quemadmodum quod Plato quasi prætereundo aut veluti per hyperbolen dixerat, Unum supra essentiam ensque ipsum esse, id Speusippum clarius pronuntiavisse vidimus, sic quod a Platone similiter significatum erat, Unum supra mentem intellectumque esse (1), apertius a Speusippo esse declaratum comperimus. Nempe hoc est illud Neoplatonicorum, quod e platonica disciplina penetralibus eruere et adversus Aristotelem torquere solent notissimum philosophema: Unum ante Mentem esse, et ante τὴν νόησιν, τὴν ἔνωσιν.

2. Superest tamen dubitatio an Speusippus, quemadmodum Unum per se neque bonum neque ens quidem actu esse, esse autem potentia, imo ab eo quidquid bonum est, quidquid est, originem habere docebat, similiter in Uno mentem veluti potentia esse, quin etiam ab Uno mentis principium petendum esse voluerit? Quomodo enim Deo intellectum, vir quoquo modo platoniscus, penitus ablegaverit?

Scilicet Aristoteles, postquam *Met.* I. XII, c. 7, ostendit, contra quam Speusippus senserat, primum rerum principium optimum esse, eo quod actu sit et quidem omnis potentiae, proinde materiae, expers, actum autem materiae expertem mentem esse

(1) *De Rep.* VI, p. 508-9 :οὐκ οὐσίας ὄντος τοῦ ἀγαθοῦ, ἀλλ' ἔτι ἐπέκεινα τῆς οὐσίας πρεσβεία καὶ δυνάμει ὑπερέχοντος.

declaravit, capite deinde 8 mentem nonnisi unam esse significavit; pergit c. 9, ipsam primi principii essentiam actum mentis ipsum, non potentiam esse, accuratius demonstrando. Quippe, ait, si intellectus principium aliud sit ac ipsa intellectio, ita ut ejus essentia non in intellectione statim sed in intellectus potentia, sive mente, sita sit, tum mens, primum principium, non erit optimum; in intellectione enim ejus excellentia; quippe in actu bonum, in actu summo summum bonum. Itaque quæ supra, eodem libro, c. 6, p. 246, de eo quod actus potentia prior sit, universatim, contra Speusippum verisimillime, ut vidimus, pronuntiaverat, οὐδ' (ἡ οὐσία ἰκανὴ ἔσται) εἰ ἐνέργησαι, ἡ δ' οὐσία αὐτῆς δύναμις, eadem hic, pene iisdem verbis, de mente repetit p. 254, l. 26: εἴτε νοεῖ, τούτου δ' ἄλλο κύριον (οὐ γὰρ ἔστι τοῦτο ὃ ἔστιν αὐτοῦ ἡ οὐσία, νόησις, ἀλλὰ δύναμις), οὐκ ἂν ἡ ἀρίστη οὐσία εἴη· διὰ γὰρ τοῦ νοεῖν τὸ τίμιον αὐτῇ ὑπάρχει. Nec aliter, eodem quoque libro, tum c. 6, p. 246, tum c. 9, p. 255, mentem, apud primum rerum principium, nihil præter se ipsam intelligere demonstrat, quam quia ab optimo nonnisi optimum intelligi convenit; si enim secus sit, intellectualis actus, ut pote ad pejora delapsus, non jam optimum illud ac summum bonum, ἄριστον, foret; itaque tota in eo versatur oratio, ut sive in τῷ esse, sive in intelligendo potentia actu sit prior, sitque ita primum principium potentia quædam, non actus ipse, summum bonum

ab eo abfuturum esse ostendatur. Quæ scilicet ipsa Speusippi sententia erat; ita ut tota in Speusippo versari, tota ab eo initium ducere ad eumque redire videatur disputatio.

3. Præterea, quo primum loco libri *Metaphysicorum* duodecimi, capite 7, primum principium Aristoteles mentis actum esse declarat, summum ei bonum, etiam quoad felicitatem, competere contendit; summam enim voluptatem in optimi actu esse. Verumenimvero, ex *Ethicis Nicomacheis*, l. VII, c. 14, Speusippum exstitisse comperimus, qui voluptatem malum esse contenderet, dolori contrarium; nempe bonum medium inter voluptatem et dolorem esse, utrique, ut æquale majori et minori, contrarium: Ἀνάγκη οὖν τὴν ἡδονὴν ἀγαθόν τι εἶναι ὥς γὰρ Σπεύσιππος ἔλυσεν, οὐ συμβαίνει ἢ λύσις ὥσπερ το μείζον τῷ ἐλάττονι καὶ τῷ ἴσῳ ἐναντίον ὃ γὰρ ἂν φαίη ὅπερ κακόν τι εἶναι τὴν ἡδονήν. Contra Aristoteles ibidem voluptatem bonum esse defendit, imo voluptatem quamdam optimum, ἄριστον, et cum summo bono conjungi; eam autem in actu optimo sitam esse. Libro autem eorumdem *Eth. Nicom.* X, cc. 4, 5, 6, 7 enucleatius voluptatem declarat non actum ipsum esse, actui autem inhærere, velut complementum quoddam, summo summam, optimo optimam; optimum autem actum optimi esse; optimum mentem, mentem autem ipsam actu; mentem actu in sui ipsius contemplatione totam esse; ad hoc, nihil eam.

aliud esse, præter Deum; unde eadem semper Deum felicitate frui qua nos fere, mentem participando, aliquando fruimur. Porro eadem prorsus, eo quem tractamus Metaphysicorum loco, paucis expressa reperimus, p. 249, l. 1 : Διαγωγή δ' ἐστὶν οἷα ἡ ἀρίστη μακρὸν χρόνον ἡμῖν · οὕτω γὰρ αἰεὶ ἐκείνὸς ἐστίν. Ἡμῖν μὲν γὰρ ἀδύνατον · ἐπεὶ καὶ ἡ ἡδονὴ ἐνέργεια τούτου · καὶ διὰ τοῦτο ἐγρήγορσις, αἴσθησις, νόησις ἡδιστον, ἐλπίδες δὲ καὶ μνημαὶ διὰ ταῦτα. Ἡ δὲ νόησις ἡ καθ' αὐτὴν τοῦ καθ' αὐτὸ ἀρίστου, καὶ ἡ μάλιστα τοῦ μάλιστα. Αὐτὸν δὲ νοεῖ... καὶ ἡ θεωρία τὸ ἡδιστον καὶ ἄριστον. Εἰ οὖν οὕτως εὖ ἔχει ὡς ἡμεῖς ποτέ, ὁ θεὸς αἰεὶ, θαυμαστόν · εἰ δὲ μᾶλλον, ἔτι θαυμασιώτερον · ἔχει δὲ ὥδε.

Tota ergo, ut diximus, ad Speusippum spectat oratio.

4. Nec id solum. Speusippus licet Uni et bonum et mentem, actu certe, abnuerit, et, ut ex superioribus patet, conjunctam cum voluptate felicitatem, ei tamen vitam tribuisse videtur. Quippe apud Ciceronem primo *de Natura Deorum*, c. 13, Velleius epicureus : « Speusippus, Platonem avunculū subsequens, et vim quamdam dicens qua omnia regantur (1), eamque animalem, evertere ex animis conatur cognitionem Deorum. » Ubi per *Deos*, deos illos Epicureorum ad humanam figuram compositos, per vim *animalem*, ζωτικὴν manifesto intelligere

(1) Minuc. Felix, *Octav.* 19 : « Speusippum (notum est) vim animalem, qua omnia regantur, Deum nosse. »

oportet. At Ciceroni, vel certe Velleii levitati, cum paulo infra de Aristotele verba faciens, a vero tantopere aberret, quæ potest esse de rebus tam arduis fides?

Ex illo ipso quem tractamus *Metaphysicorum* loco, fidem facere Ciceroni Aristoteles, Aristoteli lucem Cicero afferre mihi videtur. Scilicet postquam Dei felicitatem in mentis seipsam contemplantis actu cum summo bono conjunctam ostendit Aristoteles, continuo esse eum ζῶν ἄριστον statuit; idque ita facit, quasi ad quosdam alludere se significet qui Deo vitam quidem, non autem bonitatem tribuerint, ipse autem, velut auctionem faciens, vitæ bonitatem summam superaddat. Nec alios nisi Pythagoreos Speusippumve istos esse ad quos alludit, ex sequentibus apertum est; p. 249, l. 15: ... ἔχει δὲ ὧδε. Καὶ ζῶη δὲ γε ὑπάρχει. Ἡ γὰρ νοῦ ἐνέργεια ζῶη, ἐκεῖνος δὲ ἡ ἐνέργεια. Ἐνέργεια δὲ ἡ καθ' αὐτὴν ἐκείνου ζῶη ἀρίστη καὶ αἰδῖος. Φαμὲν δὲ τὸν θεὸν εἶναι ζῶν αἰδῖον ἄριστον. Ὡστε ζῶη καὶ αἰὼν συνεχῆς καὶ αἰδῖος ὑπάρχει τῷ θεῷ· τοῦτο γὰρ ὁ θεός. Ὅσοι δὲ ὑπολαμβάνουσιν, ὥσπερ οἱ Πυθαγορεῖοι καὶ Σπεύσιππος, τὸ κάλλιστον καὶ ἄριστον μὴ ἐν ἀρχῇ εἶναι... οὐκ ὀρθῶς οἴονται. Sic enim interpretor. « Et profecto quidem ei vita inest. Quippe, secundum rationes nostras, mentis actus vita, mens autem illa actus ipse est; sed illius actus per se agens vita optimā et æterna. Nos itaque Deum non solum animans æternum, sed insuper animans æternum optimum dicimus esse. Igitur

vitam sane et ævum Deus habet continua æternaque (est enim illud Deus); qui autem, ut Pythagorici et Speusippus imprimis, Deo neque summam pulchritudinem neque summum bonum, τὸ ἀρίστον, inesse putant, a vero aberrant, etc. » (1) Quod si verborum vis, præsertim in καὶ ζωὴ δέ γε, ac φάμεν δὲ, accurate expendatur, et orationis ordo et series attendatur, totus iste locus quo pacto aliter intelligi possit non video.

Hic igitur, non debuisse a Speusippo vitam primo principio tribui significat Aristoteles, quia scilicet nonnisi in actu vita est, in mentis autem actu verissima vita, cum summo bono conjuncta.

Ergo una eademque et continua Aristotelis oratio est, quæ duodecimo præsertim libro peragitur: primum rerum principium actum esse, actum autem mentis; tum in mentis actu vitæ perfectionem, summum bonum summamque voluptatem contineri; simul perpetuam Speusippæ philosophiæ reprehensionem una illa et perpetua oratio complecti videtur.

5. Denique id etiam Speusippus primo rerum principio, nempe Uni videtur tribuisse, quod sibi ipsum sufficeret. Aristoteles enim, *Met.* XIV, 4, p. 301, l. 19, postquam Speusippi de bono sententiam cum veterum recentiorumque theologorum et physicorum placitis, ut vidimus, conferendo exagitavit, mirum esse subjicit si non ob id ipsum sibi primum æternumque rerum principium satis sit, quod

(1) Vid. supra, p. 7.

bene habeat : Θαυμαστόν δ' εἰ τῷ πρώτῳ καὶ αἰδῶ καὶ αὐταρκεστάτῳ τοῦτ' αὐτὸ πρῶτον οὐχ ὥς ἀγαθὸν ὑπάρχει τὸ αὐταρκες καὶ ἡ σωτηρία. Ἀλλὰ μὴν οὐ δι' ἄλλο τι ἀφθαρτον ἢ διότι εὖ ἔχει οὐδ' αὐταρκες (i. e. : οὐδὲ δι' ἄλλο ἐστὶν αὐταρκες).

6. Ex his obiter monebo farraginem *Definitionum* quæ sub Speusippi nomine non semel edita est, Speusippi, certe ex parte, non esse videri. Ibi enim legimus : Αὐτάρκεια, τελειότης κτήσεως ἀγαθῶν. Εὐδαιμονία, ἀγαθὸν ἐκ πάντων ἀγαθῶν συγκείμενον· δύναμις αὐταρκης πρὸς τὸ εὖ ζῆν, κ. τ. λ. Θεός, ζῶν ἀθάνατον, αὐταρκες πρὸς εὐδαιμονίαν. Quæ parum cum Speusippi placitis congruunt. Aut si ista populariter et ἑξωτερικῶς a Speusippo dicta existimare mavis, certe parum ad ejus philosophiæ notitiā conferent.

VI.

1. Ex his quæ s. IV, diximus, Speusippum, postquam Unum supra omnem ἐναντιότητα statuerat, statim infra, unum et multitudinem inter se contraria posuisse constat; in eo quoque a Platone digressum, ad Pythagoricos relapsum.

Pythagoricis enim rerum essentiam sive formam in uno, materiam autem in multitudine indefinita esse placuerat; Platoni, in uno formam, materiam in indefinita dyade magni et parvi. Scilicet Pythagoricum infinitum, quod velut unum

quiddam uni contrarium acceperant, Plato quasi in elementa duo inter se contraria dissolverat, nempe in magnum ac parvum. Quorum tamen utrumque, cum non, nisi quoad alterum, sit, nequaquam per se nec nisi cum altero conjunctum subsistere posse existimabat; unde rursus ambo in unum quid coalescere, nempe in magni et parvi dyada.

Ad hoc, unum istud e magno parvoque conflatum quia nihil nisi quiddam infinitum erat, neque per se ullo modo mensuræ capax, neque cuiquam neque etiam sibi æquum, *inæquale*, ἄνισον, esse Plato dicebat. Proinde, non solum in Platonica dyade non est elementum utrumque, nisi ad alterum; verum etiam nec dyas ipsa nisi ad unum est; adeo ut tota in τῷ πρὸς τι versetur.

Denique eo usque Platonem perduxerat dialecticam quam vocant philosophandi methodum, ut idearum principia, ac proinde, quoniam ideæ principia cæterorum sunt, omnium omnino rerum principia tum in *uno*, tum in eo quod universe præter unum est, nec quidquam insuper, nempe in *diverso* sive *alio* contineri inveniret. Ergo Platoni principium, ut scholæ formulam usurpem, formale : *unum*, sive *æquale* (ἴσον); principium materiale : *dyas indefinita magni et parvi, inæquale, diversum, aliud* (ἄνισον, ἕτερον, ἄλλο).

Speusippus cum principium materiale in multitudine ponat, non jam id ab eo sic accipitur ut non, nisi habita unius ratione, aut esse, aut

significari possit, sic autem, ut quasi aliquid per se esse videatur.

Quare, quæcumque Aristoteles de nonnullis, quibus, cum Plato materiam in dyade magni et parvi, in inæquali, in diverso, in altero posuisset, eam in multitudine contineri placuerat, ad Speusippum ea indubitanter traho. Sic *Met.* XIV, 4, p. 302, l. 6: ... τὸ ἐναντίον στοιχεῖον, εἴτε πλεῖθος ὃν εἴτε τὸ ἄνισον καὶ μέγα καὶ μικρόν κ. τ. λ., quem locum ad Platonem Speusippumque respicere jam aliunde demonstravimus. Eodem libro, c. 5, p. 303, l. 23: Τὸ ἐν ὁ μὲν τῷ πλήθει ὡς ἐναντίον τίθεται, ὁ δὲ τῷ ἀνίσῳ, ὡς ἴσῳ τῷ ἐνὶ χρώμενος. Similiter c. 1, p. 290, ll. 3-6; ll. 28-30; l. XII, p. 256, ll. 25-26.

2. Nihilominus, multitudinem ipsam, cum magnum et parvum complectatur, in duo veluti membra scindi posse apparet, quorum utrumque non nisi habita alterius ratione quidquam est. Hæc itaque Speusippæam materiam ad τὸ πρὸς τι pertinere contendit Aristoteles; *Met.* XIV, 1, p. 291, ll. 13-15.

Quin etiam, quum elementa duo complectatur, nonne et hac quodammodo dyas est, et quidem, quia multum et paucum inter se indefinita sunt, indefinita quædam dyas? Ita tamen, ut non nisi, ut ita dicam, implicite dyas sit Speusippæa multitudo, et in elementis tantummodo suis τὸ πρὸς τι contineat, non autem sit velut *æquale*, ipsa per se πρὸς τι. Quo valde moveor ut, si non ad Speusip-

pum solum, at certe ad Speusippum quoque spectare credam hæc; *Met.* XIV, 2, p. 293, l. 26: Εἰσὶ δὲ τινες οἳ δυνάδα μὲν ἀόριστον ποιοῦσι τὸ μετὰ τοῦ ἐνὸς στοιχείου, τὸ δ' ἄνισον δυσχεραίνουσιν εὐλόγως διὰ τὰ συμβαίνοντα ἀδύνατα· οἷς τοσαῦτα μόνον ἀφήρηται τῶν δυσχερῶν, ὅσα διὰ τὸ ποιεῖν τὸ ἄνισον καὶ τὸ πρὸς τι στοιχεῖον ἀναγκαῖα συμβαίνει τοῖς λέγουσιν.

3. Cæterum *multitudinem* cum *uno*, tanquam ei contrariam, melius ac verius conferri, quam cum *uno æquale*, aut *diversum*, *aliudve*, existimat Aristoteles; *Met.* XIV, 1, p. 291, ll. 1-4. Neque illud tamen recte procedere; quippe multitudinī non tam unum quam paucitatem contrariam esse; unum in omnibus mensuræ partes habere, nec cuiquam, si res bene perpendatur, esse contrarium; *ibid.* ll. 4-28; cf. p. 293, l. 3. Proinde quæcumque libro *Metaphysicorum* decimo, capite 5, a p. 202, l. 22, ad p. 204, l. 2 de uno quod neque inæquali neque magno et parvo contrarium sit, acute quidem, disputantur ab Aristotele, pertinere ea ad Platonem; quæcumque eodem libro, toto cap. 6, a p. 204, l. 3, ad p. 206 fin., non minori subtilitate, de uno quod multitudinī non sit contrarium, in Speusippum intendi ea affirmare audeo.

4. Denique Platoni ipsa multitudinis natura et quasi essentia magnum et parvum esse visum erat, (*Met.* XIV, 1, p. 290, l. 4: οἱ μὲν τῷ ἐνὶ τῷ ἴσῳ τὸ ἄνισον, ὡς τοῦτο τὴν τοῦ πλῆθους οὖσαν φύσιν); Speusippus contra, magnum et parvum numeri.

materiam esse non posse; esse enim natura magnitudinis magis propria, propria autem numeri multum et paucum, arbitratus est; *Met.* XIV, 1, p. 290, l. 14 : οἱ μὲν τὸ μέγα καὶ τὸ μικρὸν λέγοντες μετὰ τοῦ ἐνὸς τρία ταῦτα στοιχεῖα τῶν ἀριθμῶν, τὰ μὲν δύο ὕλην, τὸ δ' ἐν τὴν μορφήν, οἱ δὲ τὸ πολὺ καὶ ὀλίγον, ὅτι τὸ μέγα καὶ τὸ μικρὸν μεγέθους οἰκειότερα τὴν φύσιν. Cf. p. 292, ll. 3-4. Per magnitudinem autem, μέγεθος, magnitudinem extensam intellige; ut ubique apud Aristotelem.

Deinde dyada, quorumcumque sit, numerum tamen esse, et numerum quemdam, proinde quamdam multitudinem Speusippus existimasse videtur; itaque se, cum multitudinem universe diceret, maxime generalibus principiis uti; *Met.* XIII, 9, p. 284, p. 20 : ὁ μὲν γὰρ ἐκ τοῦ κατηγορουμένου καθόλου γεννᾷ τὸν ἀριθμὸν καὶ οὐ τινὸς πλήθους, ὁ δ' ἐκ τινος πλήθους, τοῦ πρώτου δέ· τὴν γὰρ δυάδα πρῶτόν τι εἶναι πλήθος. Hic qui prior laudatur, ὁ μὲν, Speusippus; qui posterior, ὁ δὲ, Plato est.

VII.

1. Ex Uno forma, materia autem Multitudine, quid Speusippus effecerit, videamus.

Pluribus locis Aristoteles tres imprimis fuisse narrat inter Platonicos de ideis et numeris sententias; ex quibus una, quam antea declaravimus, vere Platonica : esse numerum idealem a mathe-

matico sejunctum; aliis unum omnino esse numerum mathematicum placuisse; ab aliis denique numerum idealem eundem cum mathematico factum esse.

De posterioribus his duobus dogmatibus, quorum fuerint, mirum in modum inter se, imo sibi quisque, repugnant quos superstites habemus Metaphysicorum interpretes.

Nimirum secundam sententiam quod nulli præter mathematicos numeri sint adscribunt: Pythagoricis Alexander Aphrodisiensis, apud Averroem in *Metaphys.* XII, 1, p. 240, l. 14 Brand.; Pythagoricis quibusdam, Syrianus in l. XIII. c. 8, p. 278, l. 29; Platoni simul et Pythagoricis Michael Ephesius (1) ad l. XII, c. 10, p. 258, l. 15; Platonico cuidam si Syriano ad l. XIII. c. 6, p. 271, l. 10, credimus, idem Alexander qui, apud Averroem, Pythagoricis; Xenocrati idem Michael Ephesius ad l. XIII, c. 6, p. 271, l. 12, qui modo Platoni et Pythagoricis.

Tertiam sententiam Xenocrati tribuit Asclepius, ad *Met.* VII, 2, p. 130, l. 3; Speusippo simul et Xenocrati Syrianus ad l. XIII, c. 8, p. 278, l. 29, et Michael Ephesius, ad eundem loc., et ad c. 9, p. 285, l. 26.

Itaque sententiam eandem diversis, diversas

(1) Alexandri Aphrodisiensis qui vulgo feruntur in Aristotelis Metaphysicorum ll. VI-XIV, commentarios, Michaelis Ephesii esse, et alibi significavi (*Ess. sur la Mét. d'Arist.*, I, p. 65), et dissertatione singulari demonstrare tentabo.

eīdem sententias singulatim, conjunctim, promiscue unusquisque fere interpretum adscribit.

Sed quid in interpretibus moramur?

2. Quam tertiam ponit Aristoteles de ideis et numeris sententiam Speusippi non esse satis evincit, quod *Met.* VII, 2, p. 130, l. 3, commemoratis Platonis Speusippique nominatim placitis (quem locum infra excutiemus) illud dogma tanquam diversum affertur.

Amplius ex *Met.* XIII, 5, p. 271, ll. 19-27 patet, qui tertiam illam, quod numerus idem idealis mathematicusque sit sententiam tuebatur, eum ut suas sui generis inesse numero cuique monadas volebat, monadasque quascumque in quemcumque numerum coalescere posse negabat, ita extensum omne in extensa dividi, τέλεινεσθαι μέγεθος πᾶν εἰς μεγάθη, negavisse. Quare de mathematicis eum non mathematice disserere ait Aristoteles, mathematicisque disciplinis proprias hypotheses inferre; *ibid.*; cf. c. 9, p. 286, l. 5; c. 8, p. 279, ll. 3-7; l. XIV, c. 3, p. 299, ll. 10-15.

Quid autem id commenti est de extensis individis, ἀτόμοις μεγέθεσι, præter famosum illud de *lineis insecabilibus* Xenocrateum dogma? Sic enim *Phys.* I, 3, lineæ insecabiles ἄτομα μεγάθη ab Aristotele dicuntur. Licet autem Plato, ut Zenonis argutias, divisionem in infinitum persequi recusando, effugeret, lineas insecabiles videatur excogitasse⁽¹⁾,

(1) *Met.* I, p. 32, l. 20.

tamen et eo quem tractamus loco Platonem patet in causa non esse, sed quemdā de Platonis schola, et Platoniorum maxime Xenocratem magistri figmentum illud amplexum prosecutumque esse compertum est; quin imo, pene suum fecisse, inventique nomen tulisse; ita ut ubicumque, etiam apud Aristotelem, linearum insecabilium, neminis mentione facta, mentio fit, certissime de Xenocrate agatur.

Ergo ideales eosdem mathematicosque esse numeros, unde neque e similibus monadibus conflatos eos esse, neque ex aliis alios dividi aut componi, sed e primis principiis pro se quemque gigni, non ea Speusippi, verum Xenocratis mens.

Cæterum nihil habet id opinionis genus quod Speusippus Xenocrati invidet. Quippe quod rebus mathematicis idealium numerorum commenta admiscendo, tenebras clarissimæ luci frustra offundit; unde trium supradictarum sententiarum tertiam illam non immerito pronuntiat Aristoteles pessimam esse; *Met.* XIII, 8, p. 278, l. 29.

3. Quod ad Pythagoricos attinet, numerum hi unum ponebant, e rebus ipsis concretum. Qui vero mathematicos numeros, relictis idealibus, retinuerant, iis numeros illos, ut antea Platoni, a sensilibus rebus separatos fuisse patet e *Met.* XIV, 2, 3; quippe ubi idem iis ac Platoni magistro persuasum fuisse legitur; scilicet, nisi numeri a sensilibus separati essent, nullam omnino futuram esse numerorum

scientiam: p. 297, f. 6: Ποιοῦντι δὲ ἀριθμὸν τὸν μαθηματικόν, πόθεν τε χρὴ πιστεῦσαι ὡς ἔστι τοιοῦτος ἀριθμὸς...; ἀλλ' ὡς αὐτὴν τινα λέγει καθ' αὐτὴν φύσιν οὖσαν... Τὰ γὰρ θεωρήματα τῶν ἀριθμητικῶν πάντα καὶ κατὰ τῶν αἰσθητῶν ὑπάρξει. Et c. 3, p. 297, l. 19: Οἱ δὲ Πυθαγόρειοι... εἶναι μὲν ἀριθμοὺς ἐποίησαν τὰ ὄντα... τοῖς δὲ τὸν μαθηματικὸν μόνον λέγουσιν εἶναι ἀριθμὸν... ὅτι οὐκ ἔσονται αὐτῶν αἱ ἐπιστῆμαι ἐλέγετο κ.τ.λ. P. 298, l. 1: οἱ μὲν οὖν Πυθ... οἱ δὲ χωριστὸν ποιοῦντες, ὅτι ἐπὶ τῶν αἰσθητῶν οὐκ ἔσται τὰ ἀξιώματα. Similiter autem de magnitudinibus sentiebant; quippe *ibid.* l. 9: ὁμοίως δὲ καὶ τὰ μεγέθη τὰ μαθηματικά.

4. Nunc autem, illo quod jam pluries excussimus *Metaphysicorum* libri XIV capite 4, postquam Speusippum Uni bonum ablegavisse significavit Aristoteles, non esse intellectum ab eo animadvertit nequaquam in eo peccatum iri si quis primo rerum principio bonum tribuerit, sed si Uni bonum, Unumque simul elementum, imo numeri elementum esse statuerit; hoc Platonem a vero deerravisse; p. 301, l. 2: ἔστι δ' ἡ δυσχέρεια οὐ διὰ τὸ τῇ ἀρχῇ τὸ εὖ ἀποδιδόναι ὡς ὑπάρχον, ἀλλὰ διὰ τὸ τὸ ἐν ἀρχῇ ὡς στοιχεῖον καὶ τὸν ἀριθμὸν ἐκ τοῦ ἐνός. Ac paulo infra, l. 26, qui bonum Uni abnuerant, ab iis Unum ideo mathematici tantum numeri primum principium et elementum factum fuisse aperte declaratur: τὸ μέντοι ταύτην (i. e.

ἀγαθόν) εἶναι τὸ ἐν, ἢ εἰ μὴ τοῦτο, στοιχεῖόν τε καὶ στοιχεῖον ἀριθμῶν, ἀδύνατον. Συμβαίνει γὰρ πολλὴ δυσχέρεια, ἣν ἐνιοὶ φεύγοντες ἀπειρήκασιν, οἳ τὸ ἐν μὲν ὁμολογοῦντες ἀρχὴν εἶναι πρώτην καὶ στοιχεῖον, τοῦ ἀριθμοῦ δὲ τοῦ μαθηματικοῦ. Si enim ideæ numeri essent, fore senserat ut bonum unaquæque esset unitas, et absurda quædam fieret bonorum luxuries, *ibid.* l. 29. Itaque qua ratione Unum bonum esse negaverat, eadem prorsus nullos nisi mathematicos ab Uno oriri numeros Speusippus decrevit.

Igitur tres præcipuas Platoniorum de ideis et numeris sententiâs eo ipso ordine quem temporum ratio postulabat, ut par erat, enumeravit Aristoteles; Platoni primum locum, secundum Speusippo, Xenocrati tertium tribuens. Nec enim usquam ab ordine isto decedit.

5. Quæ quum ita sint, non solum ideales numeros, sed ideas omnino a Speusippo rejectas esse e pluribus Metaphysicorum locis palam est; l. XIII, c. 8, p. 278, l. 10: Εἰσὶ δ' οὗτοι ὅσοι ιδέας μὲν οὐκ οἶονται εἶναι οὔτε ἀπλῶς οὔτε ὡς ἀριθμούς τινας οὔσας, τὰ δὲ μαθηματικὰ εἶναι καὶ τοὺς ἀριθμούς πρώτους τῶν ὄντων, καὶ ἀρχὴν αὐτῶν εἶναι αὐτὸ τὸ ἐν. C. 5, p. 271, l. 23. Οἱ μὲν τὰ μαθηματικὰ καὶ μαθηματικῶς λέγουσιν, ὅσοι μὴ ποιοῦσι τὰς ιδέας ἀριθμούς μηδὲ εἶναι φασιν ιδέας. C. 9, p. 285, l. 26: Οἱ μὲν γὰρ τὰ μαθηματικὰ μόνον ποιοῦντες παρὰ τὰ αἰσθητὰ, ὁρῶντες τὴν περὶ τὰ εἶδη δυσχέρειαν καὶ πλάσιν, ἀπέστησαν ἀπὸ τοῦ εἰδητικοῦ

ἀριθμοῦ καὶ τὸν μαθηματικὸν ἐποίησαν. Cf. p. 286, l. 29, et l. XIV, c. 2, p. 297, ll. 4-7.

Ergo idealem Platonis mundum Speusippus prorsus abolevit; quod medium fecerat Plato, primum fecit.

6. Idcirco, inter primum principium Unum et numeros non eadem Speusippo ac Platoni ratio intercedit. Plato Unum quasi primam ideam, primumque idealem numerum fecerat; Speusippus, cum numeros nisi mathematicos nullos agnosceret, Unum numerum negavit esse, et a primo numerorum uno, sive monade, diversum esse contendit. Hic itaque Aristoteles, cur, inquit, si ante monada Unum quoddam per se sit, non et ante duo Dyas per se, ante tres Trias per se, etc? Ita ut magis secum consentanea, licet alias absurdior, numerorum idealium doctrina fuerit; *Met.* XIII, 8, p. 278, l. 13: Ἄτερον γὰρ τὸ ἐν μὲν εἶναί τι πρῶτον τῶν ἐνῶν, ὥσπερ ἐκαῖνοί φασι, δυάδα δὲ τῶν δυάδων μή... Εἰ δὲ ἐστὶ τὸ ἐν ἀρχῇ, ἀνάγκη μᾶλλον ὥσπερ Πλάτων ἔλεγεν ἔχειν τὰ περὶ τοὺς ἀριθμοὺς κ. τ. λ. Isti enim ἐκαῖνοι, ut ex superioribus liquet, ii sunt, qui mathematicos solummodo numeros ponebant; quos τοὺς περὶ Σπεύσιππον esse demonstravimus.

7. Cæterum, ut Platonem platonicosque, ita Speusippum significat Aristoteles, quo pacto e numerorum principiis numeri efficerentur, an mixtione et temperamento, an positione, an generatione, in ambiguo reliquisse. Pythagoricos de ea

re non premendos esse ait, quippe qui in rebus ipsis numeros ponant; cæteros una eademque reprehensione urget. Postquam enim Platoniorum et Speusippi sententias, ut diximus, inter se contulit, *Met.* XIII, 9, p. 284, subjicit l. 24: ὥστε διαφέρει οὐθὲν, ὡς εἰπεῖν, ἀλλ' αἱ ἀπορίαι αὐταὶ ἀκολουθήσουσι, μίξις ἢ θέσις ἢ κρᾶσις ἢ γένεσις καὶ ὅσα ἄλλα τοιαῦτα. Similiter XIV, 5, p. 303, l. 10—p. 304, l. 2.

Præterea ut Platonem sic Speusippum non definiisse quomodo unicuique numerorum, imo numeri cujusque unicuique monadi materiam suppetere potuerit sive magnum et parvum sive multitudo, testis est Aristoteles; de Platone, vid. *Met.* XIII, 8, p. 279, l. 24 sqq.; XIV, 4, p. 300, l. 19 sqq.; de Speusippo, XIII, 9, p. 284, l. 27—p. 285, l. 8.

8. Denique, a Speusippo, utrum infinitus numerus esset nec ne, in incerto relictum esse patet ex *Met.* XIII, 9, p. 285, l. 8: ἔτι ζητητέον καὶ παρὰ τοὺς οὕτως λέγοντας, πότερον ἄπειρος ὁ ἀριθμὸς, ἢ πεπερασμένος κ. τ. λ. Quamvis enim, Pythagoricorum Platoniorumque omnium instar, in decade omnia contineri ac perfici decantavisse videatur (lege, si placet, de decadis virtutibus Speusippi quod fertur fragmentum in *Theologum. arithm.*, p. 62), non tamen inde sequitur nullum ei, ultra decada, omnino esse numerum placuisse.

VIII.

1. Nunc de iis quæ præter numeros sunt. En classicorum, qui de Speusippo in Metaphysicis inveniuntur, locorum ultimum. L. VII, c. 2, postquam quibusdam placuisse retulit Aristoteles præter res sensibus subjectas nihil esse, Platoni autem, ideas et quæ media, τὰ μετὰ, vocabat, subjicit p. 129, l. 28: Σπεύσιππος δὲ καὶ πλείους οὐσίας ἀπὸ τοῦ ἐνὸς ἀρξάμενος, καὶ ἀρχὰς ἐκάστης οὐσίας ἄλλην μὲν ἀριθμῶν, ἄλλην δὲ μεγεθῶν, ἔπειτα ψυχῆς· καὶ τοῦτον δὴ τὸν τρόπον ἐπεκτείνει τὰς οὐσίας.

Scilicet Plato ita senserat, in ideis, sive, quia ideæ numeri, in numeris omnium formas causasque contineri. Proinde magnitudinum, sive extensorum formas numeros esse (ideales loquor). Sic lineæ formam ac rationem esse dyada sive *duo*, superficiei *tres*, solidi *quatuor*; *Met.* XIV, 4, p. 299, l. 3-6; VII, 11, p. 150, l. 22-24. Cf. *de Anima*, I, 2. Hæc Plato de extensorum formis, sive formalibus causis; materiam autem iis ē magni et parvi speciebus petiisse videtur, ita ut e longo et brevi lineam, e lato et angusto superficiem, ex alto et humili solidum efficeret.

Cum autem lineæ, superficiei, solidi ideas ad numeros *duo*, *tres*, *quatuor* referret, non tantum extensorum principia universe numeros esse; verum etiam, ut alii aliorum causæ numeri sunt, a

minori ad majus, sic et inter se extensa alia aliis, sic demum alia aliis principia extensorum causas esse significabat.

2. Speusippus contra tum numeros, tum magnitudines, sive extensa, deinde animum, postremo, ut e *Met.* XIV, 3, p. 298, l. 30, apparet, corpora sensibus subjecta, ab ipso statim Uno, nullo interposito medio, ordiebatur. Quanquam igitur numeros prima entium esse dicebat, non ideo tamen, ut Plato, causas eos dicebat esse. Recte quidem; quo enim pacto causa sit numeri plane mathematici inanitas? *Met.* XIV, 2, p. 297, l. 8 : Τοιοῦτος ἀριθμὸς... τί τοῖς ἄλλοις χρήσιμος;... οὔτε φαίνεται ὢν αἴτιος.

Quare nec omnibus entium generibus principia eadem esse Speusippus volebat, sed cuique sua. Quamvis enim eo ipso unde sermonem hunc orsi sumus loco id de alterutro tantum principio, sive materiali sive formali, Speusippum credidisse Aristoteles significare videatur, quum dicat ἀρχὰς ἐκάστης οὐσίας ἄλλην κ. τ. λ., de utroque tamen accipendum esse ostendit locus alter *Met.* XII, p. 258, l. 12, eodem manifesto pertinens : οἱ δὲ λέγοντες τὸν ἀριθμὸν πρῶτον τὸν μαθηματικὸν καὶ οὕτως αἰεὶ ἄλλην ἐχόμενην οὐσίαν καὶ ἀρχὰς ἐκάστης ἄλλας κ. τ. λ. Quo quidem loco notandum est a Speusippo revera, ut satis antea demonstravimus, mathematicum numerum primum constitutum fuisse.

3. Ita tamen numerorum magnitudinumque alia

esse principia Speusippus voluit, ut aliquid inter se commune haberent.

Principium numeri formale, ut jam vidimus, unum, non per se, sed quatenus multitudini contrarium est, id est monas; materia autem, multitudo. Principium formale magnitudinis, minimum quid *quasi-unum*; materia autem, quædam *quasi-multitudo*. Ea enim sententia est quam eorum adversari sententiæ dicit Aristoteles, quibus tum numeros, tum magnitudinem e magni parvique dyade fieri placebat *Met.* XIII, 9, p. 284, l. 6. Speusippum autem fuisse novimus, qui e multitudine numeros duceret. Quasi-unum punctum esse volebat: Οἱ μὲν οὖν τὰ μεγέθη γεννῶσιν ἐκ τοιαύτης ὕλης, ἕτεροι δὲ ἐκ τῆς στιγμῆς (ἡ δὲ στιγμή αὐτοῖς δοκεῖ εἶναι οὐχ ἓν ἀλλ' οἷον τὸ ἓν) καὶ ἄλλης ὕλης οἷας τὸ πλήθος, ἀλλ' οὐκ ἀπὸ πλείους. Contra Plato punctum nihil aliud nisi geometricum figmentum esse arbitrabatur *Met.* I, 8, p. 32, ll. 20-22.

Itaque ad Speusippum referenda esse crediderim quæ *Met.* XIV, 3, p. 298, l. 14; VII, 2, p. 129, l. 22; II, 16, p. 57, l. 26 sqq., leguntur: quosdam fuisse, qui ex eo quod punctum lineæ, linea superficiei, superficies solidi fines sint, superficiem solido, lineam superficie, punctum linea magis ac verius esse inferrent. Etenim trium locorum illorum primo, continuo velut orationis tenore, ad Speusippi de diversis numeri magnitudinisque principiis sententiam transitur.

Quid Speusippus per *quasi-multitudinem* intellexerit non definitur. Cum autem magnum et parvum, ut diximus, μεγεθους propria esse censuerit, multitudinem autem multumque et paucum numeri, nihil aliud ei fuisse quasi-multitudinem, ex qua extensa educeret, quam magnitudinem ipsam, sive magnum parvumque, certum est.

4. Speusippus, magistrum in eo secutus, magnitudinum materiam e magni parvique speciebus videtur petiisse : e longo et brevi, lato et angusto, alto et humili, lineam, superficiem, solidum educens. Platonicos enim de formali tantum magnitudinum causa dissensisse, de materia autem consensisse significat Aristoteles *Met.* XIII, 9, p. 283, l. 12 : Οἱ μὲν γὰρ ἐκ τῶν εἰδῶν τοῦ μεγάλου καὶ τοῦ μικροῦ.... Τὴν δὲ κατὰ τὸ ἐν ἀρχὴν ἄλλοι ἄλλως τιθέασιν τῶν τοιούτων.

5. Verum, cum Plato, ut numeris magnitudinem, ita alias aliis magni parvique species subdidisset, Speusippus contra aliud genus longum et breve, aliud latum et angustum, aliud altum et humile ratus, alia ab aliis dissolvit atque segregavit. Ut enim non magnitudini multum et paucum, sic neque ullum ulli magni parvique generi genus inesse vidit. Unde fere Aristoteles : male quidem Plato, non autem multo melius Speusippus. Si enim magnitudinum principia in aliis alia, ut genus in specie, sint, erunt aliarum aliæ genera magnitudines et ipsæ; nempe si latum alti genus, solidum superficies quædam erit. Contra, si non alia

subsequantur alia magnitudinum principia, dissociatæ erunt quæ revera in aliis aliæ sunt magnitudines; non inerit solido superficies. Et inest tamen. *Met.* I, 8, p. 32, l. 13: Καίτοι πῶς ἔξει ἡ τὸ ἐπίπεδον γραμμὴν ἢ τὸ στέρεον γραμμὴν καὶ ἐπίπεδον; ἄλλο γὰρ γένος τὸ πλατὺ καὶ τὸ στενόν, καὶ βαθύ καὶ ταπεινόν. Ὡςπερ οὐδ' ἀριθμὸς ὑπάρχει ἐν αὐτοῖς, ὅτι τὸ πολὺ καὶ ὀλίγον ἕτερον τούτων, δῆλον ὅτι οὐδ' ἄλλο οὐθέν τῶν ἄνω ὑπάρξει τοῖς κάτω. Ἀλλὰ μὴν οὐδὲ γένος τὸ πλατὺ τοῦ βαθύος· ἦν γὰρ ἂν ἐπίπεδόν τι τὸ σῶμα. XIII, 9, p. 283, l. 19: Ἀπολελυμένα τε γὰρ ἀλλήλων συμβαίνει, εἰ μὴ συνακολουθοῦσι καὶ αἱ ἀρχαί, ὥστε εἶναι τὸ πλατὺ καὶ στενόν καὶ μακρὸν καὶ βραχύ. Εἰ δὲ τοῦτο, ἔσται τὸ ἐπίπεδον γραμμὴ καὶ τὸ στέρεον ἐπίπεδον. Similiter XIII, 9, p. 284, ll. 10-17; quo quidem loco Platonem cum Speusippo conferri jam ostendimus; est autem e locis duobus illis quasi compositus concinnatusque.

Præterea, ait Aristoteles, si nihil ad magnitudines numerus, nihil aliæ ad alias magnitudinis species conferant, ecquis jam rerum mundique nexus? quum tamen rerum natura non, veluti deterrima tragœdia, ex episodiis conflata esse videatur; *Met.* XIV, 3, p. 298, l. 24: Ἐτι δὲ ἐπιζητήσκειν ἂν τις... τὸ μὴθὲν συμβάλλεσθαι ἀλλήλοις τὰ πρότερα τοῖς ὕστερον... Οὐκ ἔοικε δ' ἡ φύσις ἐπεισοδιώδεις οὕσα ἐκ τῶν φαινομένων, ὥςπερ μοχθηρὰ τραγωδία (1). Quæ quidem

(1) *Arist. Poet.*, 9: Τῶν δὲ ἀπλῶν μύθων καὶ πράξεων αἱ ἐπεισοδιώδεις εἰσὶ χεῖρισται.

ad Speusippum pertinere tum ex se manifestum est, tum ex admodum simili loco, quo de Speusippo agi antea demonstravimus *Met.* XII, 10, p. 258, l. 15: Οἱ δὲ λέγοντες τὸν ἀριθμὸν πρῶτον τὸν μαθηματικὸν καὶ οὕτως αἰεὶ ἄλλην ἐχομένην οὐσίαν καὶ ἀρχὰς ἐκάστης ἄλλας, ἐπεισοδιώδη τὴν τοῦ παντὸς οὐσίαν ποιοῦσιν (οὐθὲν γὰρ ἢ ἑτέρα τῇ ἑτέρᾳ συμβάλλεται οὐσα ἢ μὴ οὐσα), καὶ ἀρχὰς πολλὰς.

In Speusippum ergo intenditur et quasi torquetur notissimus hic, qui statim subsequitur, præclari istius duodecimi libri epilogus: Τὰ δὲ ὄντα οὐ βούλεται πολιτεύεσθαι κακῶς.

Οὐκ ἄγαθὸν πολυκοιρανίῃ· εἰς κοίρανος ἔστω.

IX.

1. Post magnitudinem, tertium ab Uno Speusippus animum posuerat. Quid autem de animi natura senserit, nihil usquam apud Aristotelem, ne in illis quidem *de Anima* libris, aut expressum aut indicatum deprehendere mihi videor.

2. Sed perobscurum Iamblichi de ea re locum tentare liceat, si quam forte ea quæ, ex Aristotele præsertim, de Speusippi placitis comperta habemus lucem afferant.

Scilicet Iamblichus apud Stobæum, *Eclog. phys.* I, 1: Ἐν ιδέᾳ τοῦ πάντη διαστατοῦ (τὴν ψυχὴν εἶναι), Σπείσιππος.

Primum, per *ιδέαν*, cave platonice ideam intelligas. Speusippus enim ideas prorsus esse negabat. Itaque aut vox ista, *ιδέα*, Speusippi non est, sed Iamblichi, aut sensu latiore accipienda, quasi forma, species, non autem species per se stans, singularis et separata.

Quid vero sibi vult: τοῦ πάντη διαστάτου?

Apud Aristotelem *διάστασις* ubique distantia, intervallum, quasi *διάστημα*; *διαστατόν* quod distantiam habet, id est in loco vel spatio dimensionem. *Γραμμὴ* μονή, superficies *διχῇ διαστατός*, solidum, sive corpus, *τριχῇ διαστατόν*. Unde, quia solummodo tres sunt dimensiones, corpus *πάντη διαστατόν*. Neque id Aristotelis proprium dogma; pythagoricum enim est: quippe Philolaus in *Theolog. arithm.* p. 56: *Μαθηματικὸν μέγεθος... τριχῇ διαστάν*. Aristoteles autem ipse *de Cael.* I, 1: *Καθάπερ γάρ φασι καὶ οἱ Πυθαγόρειοι, τὸ πᾶν καὶ τὰ πάντα τοῖς τρισὶν ὄρισται... τριχῇ δὲ ὄν διαιρετὸν (τὸ σῶμα) πάντη διαιρετόν*. Imo Platonicorum, Peripateticorum, philosophorum omnium commune dogma; nempe geometricum theorema ac pene axioma.

Quo igitur pacto Speusippus in eo animi essentiam esse dixerit, quod corporis essentiae est?

Contra, quod incorporeum, ab omnibus fere, praecipue autem a Platoniceis, ad animum pertinere creditur. Incorporeum autem Platoniceis praecipue *ἀδιαίρετον, ἀμέριστον*, ut apud Platonem *passim* legere est. Neoplatonicis autem in usu est, quod in-

corporeum, id ἀδιάστατον nuncupare. Damascius apud Simplicium in *Phys.* p. 146 a : Τὰ ἐν γενέσει πάντα τῆς ἀμερίστου καὶ ἀδιαστάτου φύσεως ἐκπεσόντα. Itaque ut corpori τὸ διαστατὸν, ita menti aut animo τὸ ἀδιάστατον tribuunt. Simplicius in *Physic.* p. 266 a : Ἀμερῆς αὐτοῦ (τοῦ νοῦ) καὶ ἀδιαστάτος ἡ πρὸς τὰ νοητὰ τυγχάνει ἐπιβολή. Proclus denique in *Euclid.* II, mathematica in anima incorporeo et indistanti, ἀδιαστάτῳ, modo esse contendit.

Quæ quum ita sint, in laudato illo Iamblichi loco indubitanter repono : Ἐν τῇ ἰδέᾳ τοῦ πάντη ἀδιαστάτου.

Neque hæc tamen ipsa Speusippi verba esse affirmare velim. Usus enim vocis ἀδιάστατον in Pythagoricorum veterum fragmentis, in Platone, in Aristotele, Speusippi æquali, frustra quæro. Verum ea certe verba fuere, quibus Iamblichus, ut neoplatonicus, Speusippi mentem aptissime reddere se existimavit. Eam igitur Speusippi sententiam fuisse verisimillimum est, ut corporis essentiam in extensione, animi autem, in natura quadam partibus carente poneret.

X.

1. Cum quartum ab Uno locum Speusippus sensibilibus corporibus dederit, ut a numeris, ita a magnitudinibus mathematicis ea segregavit.

2. Attamen, non corpora solum sed et mathe-

máticas quoque magnitudines in loco posuisse videtur. Quippe Aristoteles, postquam, *Met.* XIV, 5, institutam a Speusippo seminis cum primo rerum principio comparationem redarguit, statim e verbo, p. 303, l. 2 : Ἄτοπον δὲ καὶ τὸ τόπον ἅμα τοῖς στερεοῖς καὶ τοῖς μαθηματικοῖς ποιῆσαι. Ad hoc, qui in hac sententia fuerat eum subjicit quid locus esset dicere ne aggressum esse quidem : Ἄτοπον... καὶ τὸ εἰπεῖν μὲν ὅτι ποῦ ἔσται, τί δὲ ἔστιν ὁ τόπος, μή. Platonem autem, non solum in *Timæo*, verum etiam in ἀγράφοις δόγμασι quid locum esse opinaretur declaravisse, ex Aristotele ipso, *Phys.* IV, 2, compertum est. Xenocratem vero, cum de mundo plura disseruisset, et quid sit tempus definire tentavisset, aliquid de loco quoque tentavisse verisimile est. Ergo quæ *Met.* XIV, 5, de loco laudavimus, ad Speusippum pertinere credo.

3. De mundi fabrica secundum Speusippum nihil apud Aristotelem. Scilicet nihil ea de re Platonico-
rum ullum, exceptis Xenocrate et Hestiaëo, dixisse testis est Theophrastus, *Met.* p. 313, l. 1, Brand. : Τοῦ δ' οὐρανοῦ περί καὶ τῶν λοιπῶν οὐδεμίαν ἔτι ποιοῦνται μνείαν. Ὡσχύτως δ' οὐδὲ οἱ περὶ Σπεύσιππον, οὐδὲ τῶν ἄλλων οὐθεὶς πλὴν Ξενοκράτης... πειράται δὲ καὶ Ἔστιαῖος μέχρι τινός, οὐχ ὥσπερ εἴρηται περὶ τῶν πρώτων μόνον. Hoc tamen idem Theophrastus *ibidem*, p. 322, l. 11 addit, a Speusippo bonum circa mundi medium, cætera hinc inde in extremis collocata esse : Σπεύσιππος σπάνιόν τι τὸ τίμιον

ποιεῖ, τὸ περὶ τὴν τοῦ μέσου χώραν· τὰ δ' ἄλλα καὶ
ἐκατέρωθεν.

**Quæ quidem prorsus pythagorica est rerum
ordinandarum ratio.**

Vidi ac perlegi,

Lutetiæ Parisiorum, in Sorbona, a. d. viii id. decembr.
ann. MDCCCXXXVIII,

Facultatis Litterarum in Academia parisiensi decanus,


J. VICT. LE CLERC.

Typis mandetur,


Studiorum Inspector generalis, procurandis Academiæ
parisiensis rebus præpositus

ROUSSELLE.

Has theses tueri et dilucidare conabitur ad doctoris gradum
promovendus **J. G. FELIX RAVAISSON**, in Facultate litterarum
jam licenciatus.







This book should be returned to
the Library on or before the last date
stamped below.

A fine of five cents a day is incurred
by retaining it beyond the specified
time.

Please return promptly.

DUE NOV '73 H

4
CANCELED
DEC 19 1972

Gs 42.25
Speusippi de primis rerum principii
Widener Library 002411837



3 2044 085 169 977